



CONCELLO DE MUROS

Curro da Praza, 1  
15250 Muros  
A Coruña  
Tfno.: 981 826 050  
correo@muros.gal  
www.muros.gal

## **CONVENIO DE COLABORACIÓN ENTRE O CONCELLO DE MUROS E A ENTIDADE ASOCIACIÓN DEPORTIVA ESTEIRANA REMO PARA A ORGANIZACIÓN NO ANO 2026 DA I BANDEIRA FEMININA DE TRAÍÑAS DE ESTEIRO E OS GASTOS DERIVADOS DO FUNCIONAMENTO E DA ACTIVIDADE XERAL DA ENTIDADE**

### **COMPARECEN DE XEITO ELECTRÓNICO**

Dunha parte, a alcaldesa do Concello de Muros, Dna. María Lago Lestón con DNI 44847800P, no uso das atribucións que lle confire o artigo 21.1.f) da Lei 7/1985, do 2 de abril, reguladora das bases de réxime local.

E doutra Dna. María Carme Caamaño Caamaño con DNI 33263758P, actúa como presidenta en representación da Asociación Deportiva Esteirana Remo con CIF G15823354, e sede social na Rúa Agro-Ribeira de Creo s/n, CP 15240 Esteiro-Muros (A Coruña).

Así mesmo, o secretario accidental, D. José Manuel Mayo Priegue, que asina o documento aos únicos efectos de dar fe da sinatura do presente contrato.

As partes recoñécense entre si a capacidade xurídica suficiente e o poder bastante para obrigáranse neste convenio e, para este efecto.

### **EXPOÑEN:**

1. O Concello de Muros realizou no ano 2026 unha transferencia de crédito na aplicación 26/341.48000 do Orzamento Municipal do 2024, prorrogado en 2026, en concepto a transferencias correntes para o fomento do deporte.
2. O Concello de Muros ten como un dos seus obxectivos o deseño, programación, dinamización e coordinación do sector deportivo do municipio de Muros.
3. Que a promoción do Concello de Muros realízase por distintas canles sendo a colaboración coas entidades do municipio na organización de actividades culturais, lúdicas e de interese social as máis importantes.
4. A entidade, Asociación Deportiva Esteirana Remo, está a realizar un labor activo de dinamización deportiva e social no Concello de Muros, a través da organización



CONCELLO DE MUROS

Curro da Praza, 1  
15250 Muros  
A Coruña  
Tfno.: 981 826 050  
correo@muros.gal  
www.muros.gal

da I Bandeira Feminina de Traíñas de Esteiro así como a actividade anual da entidade da que se derivan os respectivos gastos xerais e de funcionamento.

5. O artigo 28.1 da Lei 38/2003, do 17 de novembro, xeral de subvencións, establece que os convenios serán o instrumento habitual para canalizar as subvencións de concesión directa.

6. Que debido ao obxecto subvencionable, consistente na realización dunha actividade da que é titular a entidade deportiva beneficiaria cuxo carácter e contido incorpóralle un interese público e social, que dificulta acudir á convocatoria pública.

Por todo o anterior, todas as partes interesadas acordan formalizar este convenio para establecer as obrigas e dereitos de cada unha delas atendendo ás seguintes,

## **CLÁUSULAS:**

### **PRIMEIRA. OBXECTO, ÁMBITO TERRITORIAL E COMPATIBILIDADE CON OUTRAS SUBVENCIÓNS**

1. O obxecto deste convenio é contribuír dende o Concello de Muros a promoción do deporte de remo no municipio, a través da financiamento da organización de actividades de interese público, social e deportivo realizadas por estes no termo municipal de Muros de acordo cos seguintes fundamentos xurídicos:

- a) Constitución Española de 1978 no seu artigo 43.3 encomenda aos poderes públicos fomentar a educación física e o deporte.
- b) Lei 3/2012, do 2 de abril, do deporte de Galicia, no seu artigo 8.1 encomenda aos municipios fomentar, promover e difundir o deporte, especialmente o deporte en idade escolar.
- c) Lei 7/1985, do 2 de abril, reguladora das bases de réxime local no seu artigo 25.2 que atribúe as competencias ás entidades locais e do seu obxecto social que se describe no punto segundo.

2. Actividades de fomento, promoción e difusión do deporte, como son:

- I Bandeira Feminina de Traíñas de Esteiro e os gastos que se derivan da actividade xeral e do funcionamento da entidade durante o ano 2026.



CONCELLO DE MUROS

Curro da Praza, 1  
15250 Muros  
A Coruña  
Tfno.: 981 826 050  
correo@muros.gal  
www.muros.gal

- As actividades subvencionables serán as efectivas durante a temporada correspondente ao ano 2026.

3. As subvencións reguladas neste convenio serán compatibles con outras axudas ou subvencións percibidas polas entidades beneficiarias para a mesma finalidade procedentes doutras entidades públicas ou privadas. A súa suma non poderá superar o gasto total das actividades que son obxecto deste convenio e descritas anteriormente.

## **SEGUNDA. ÁMBITO TEMPORAL E VIXENCIA**

Este convenio estenderá a súa vixencia desde a data da súa sinatura ata o 1 de decembro de 2026, sen prexuízo da realización das accións de control que se deriven unha vez finalizada a súa vixencia.

## **TERCEIRA. OBRIGAS DAS ENTIDADES BENEFICIARIAS**

A entidade Asociación Deportiva Esteirana Remo comprométese a que a realización da I Bandeira Feminina de Traíñas de Esteiro será no termo municipal de Muros.

Por outro lado e de acordo coas bases de execución do orzamento e coa Lei 38/2003, do 17 de novembro, xeral de subvencións, a entidade, Asociación Deportiva Esteirana Remo obríganse a:

1. Realizar as actividades que constitúen o obxecto deste convenio dentro do exercicio económico de vixencia.
2. Presentar antes do 01-12-2026 facturas orixinais ou fotocopias compulsadas pola Secretaría da corporación ou autenticadas ante notaría xustificativas dos gastos efectuados que teñan relación directa ou indirecta co obxecto deste convenio, cos requisitos formais e materias esixidos polo RD 1619/2012, do 30 de novembro, polo que se aproba o Regulamento polo que se regulan as obrigas de facturación.

Considéranse gastos subvencionables: todos os vinculados á actividade como bens correntes, transportes, taxas e premios, seguros, protocolo, publicidade, servizos ou persoal contratado. A concesión dos premios derivados da actividade deberán acreditarse, no caso de persoas físicas, mediante recibín asinado do perceptor debidamente identificado (nome e apelidos e NIF), e no que conste a descrición do premio percibido en importe íntegro, o importe e a porcentaxe de retención do IRPF que corresponda en función da contía do premio e o importe líquido pagado. No seu



CONCELLO DE MUROS

Curro da Praza, 1  
15250 Muros  
A Coruña  
Tfno.: 981 826 050  
correo@muros.gal  
www.muros.gal

defecto, mediante documento acreditativo do ingreso mediante transferencia bancaria. Igualmente deberá aportarse acta ou documento acreditativo equivalente do resultado da competición e dos importes asignados como premios polos organizadores.

3. No suposto de pagamentos a conta, presentar xustificantes do gasto realizado cos requisitos do parágrafo anterior por importe equivalente a cantidade a abonar.

4. Antes de realizar calquera pagamento, presentar acreditación de estar ao corrente das obrigas tributarias e coa Seguridade Social.

5. Comunicar ao Concello de Muros por escrito a solicitude e obtención de axudas para a mesma finalidade procedentes de calquera outra administración ou ente público

6. Comunicar por escrito a modificación das circunstancias que motivaron a concesión da subvención.

7. Atender calquera requirimento realizado pola Intervención municipal no exercicio das funcións de control financeiro que lle atribúe o artigo 44 e seguintes da Lei 38/2003, do 17 de novembro, xeral de subvencións e o artigo 214 do RD lexislativo 2/2004, do 5 de marzo, polo que se aproba o texto refundido da Lei reguladora das facendas locais.

8. Someterse ás actuacións de comprobación, a efectuar polo órgano concesionario, así como calquera outra comprobación e control financeiro que poidan realizar os órganos de control competentes, achegando canta información lles sexa requirida no exercicio das anteriores actuacións.

9. As previstas con carácter taxado no artigo 14 da Lei 38/2003, do 17 de novembro, xeral de subvencións.

10. Acreditación do cumprimento da aplicación pública da imaxe corporativa do Concello de Muros mediante a achega dos documentos gráficos nos que quede constancia.

#### **CUARTA. OBRIGAS DO CONCELLO DE MUROS**

1. O Concello de Muros, realizará o pago anticipado previa acreditación polo beneficiario de estar ao corrente no cumprimento da obrigas tributaria e fronte a



CONCELLO DE MUROS

Curro da Praza, 1  
15250 Muros  
A Coruña  
Tfno.: 981 826 050  
correo@muros.gal  
www.muros.gal

Seguridade Social e non ser debedor por resolución de procedencia de reintegro, da cantidade de 15.000,00 € con imputación na partida 26/341.48000 do Estado de Gastos do Orzamento Municipal de 2024, prorrogado no ano 2026, no seguinte número de conta:

- Entidade beneficiaria: Asociación Deportiva Esteirana Remo
- IBAN: ES23 2080 0338 6030 4000 4340
- Entidade financeira: ABANCA

2. A entidade beneficiaria queda exonerada da constitución da garantía para a tramitación de dito pago.

#### **QUINTA. PRAZO E MODALIDADE DE XUSTIFICACIÓN**

1. A Asociación Deportiva Esteirana Remo asume o compromiso ante o Concello de Muros antes do 01-12-2026 mediante a presentación da seguinte documentación:

- a. Unha memoria da actuación que xustifique o cumprimento das condicións establecidas neste convenio, con indicación á actividade realizada e aos resultados obtidos.
- b. A conta xustificativa dos pagamentos efectuados por parte do Concello de Muros atendendo ao apartado número 2 da cláusula terceira deste convenio.
- c. Declaración por parte da Asociación Deportiva Esteirana Remo, se existira, do importe, a procedencia e a aplicación doutros fondos destinados a financiar as actividades que son obxecto neste convenio.

2. Tanto a ampliación do prazo de xustificación como os prazos de emenda da documentación xustificada rexerase pola Lei 9/2007, do 13 de xuño, de subvencións de Galicia.

#### **SEXTA. PERDA DO DEREITO DE COBRO**

Producirase a perda do dereito de cobro total ou parcial da subvención por falta de xustificación no prazo fixado no parágrafo 2º da cláusula terceira deste convenio, e pola concorrencia dalgunha das causas previstas no artigo 37 da Lei 38/2003, do 17 de novembro, Xeral de Subvencións.



CONCELLO DE MUROS

Curro da Praza, 1  
15250 Muros  
A Coruña  
Tfno.: 981 826 050  
correo@muros.gal  
www.muros.gal

## **SÉTIMA. REINTEGRO**

1. Procederá o reintegro das cantidades percibidas cando recaia resolución xudicial ou administrativa de nulidade ou anulación da resolución de concesión.
2. Tamén procederá o reintegro e a esixencia de intereses de demora correspondente desde o momento do pagamento da subvención ata a data na que se acorde o procedemento de reintegro nos casos previstos no artigo 37.1 da Lei 38/2003, do 17 de novembro, xeral de subvencións.
3. O procedemento de reintegro será o establecido no Capítulo I e II do Título II da Lei 38/2003, do 17 de novembro, xeral de subvencións.

## **OITAVA. INTERPRETACIÓN E CUMPRIMENTO**

1. As dúbidas que se presenten na súa interpretación, e cando se formulen discrepancias, serán resoltas pola alcaldesa do Concello de Muros, previo informe de Secretaría e Intervención municipal.
2. O incumprimento de calquera das cláusulas deste convenio constituirá causa suficiente de rescisión do mesmo, dando lugar ao reintegro que en cada caso proceda.
3. Este convenio ten natureza administrativa. A xurisdición contencioso-administrativa será competente para o coñecemento de posibles cuestións litixiosas que poidan suscitarse como consecuencia do mesmo.
4. En todo o non previsto neste convenio, estarase ao disposto nas seguintes ordenacións xurídicas:
  - Lei 38/2003, do 17 de novembro, xeral de subvencións.
  - Lei 9/2007, do 13 de xuño, de subvenciones de Galicia.
  - Real Decreto 887/2006, do 21 de xullo, polo que se aproba o regulamento da Lei 38/2003, do 17 de novembro, xeral de subvencións.
  - Decreto 11/2009, do 8 de xaneiro, polo que se aproba o regulamento da Lei 9/2007, do 13 de xuño, de subvencións de Galicia.
  - Lei 7/1985, do 2 de abril, reguladora das bases de réxime local



CONCELLO DE MUROS

Curro da Praza, 1  
15250 Muros  
A Coruña  
Tfno.: 981 826 050  
correo@muros.gal  
www.muros.gal

- RD lexislativo 2/2004, do 5 de marzo, polo que se aproba o texto refundido da Lei reguladora das facendas locais, nas Bases de execución do orzamento, e demais disposicións de aplicación.

## **NOVENA. EFICACIA E ENTRADA EN VIGOR**

As obrigas económicas previstas neste convenio entrarán en vigor a partir do 1 de xaneiro de 2026, quedando condicionada a súa eficacia a previa xustificación da existencia de dotación orzamentaria no Orzamento Municipal de dito exercicio, ou na prórroga do vixente, extremo que se acreditará mediante a incorporación ao mesmo do documento AD, sen que sexa preciso trámite adicional algún.

Este convenio obriga ao cumprimento do expresamente pactado, someténdose todas as partes ao acordado en todas as estipulacións, estendéndose por triplicado exemplar no lugar e data arriba indicados.

En proba de conformidade, asinamos en exemplar duplicado, no lugar e na data que se indican a seguir.

A alcaldesa do  
Concello de Muros

María Lago Lestón

A presidenta da  
AD Esteirana Remo

M<sup>a</sup> Carme Caamaño  
Caamaño

O secretario accidental

José Manuel Mayo  
Priegue